

Мемлекеттік қысқа мерзімді қазынашылық міндеттемелерді МЕККАМ шығару, айналысқа қосу және өтеу ережесін бекіту туралы<*>

Күшін жойған

Қазақстан Республикасы Үкіметінің қаулысы 1996 жылғы 25 маусым N 786. Күші жойылды - ҚР Үкіметінің 2004.09.08. N 941 қаулысымен.

Атауы және 1,2,3-тармақтары сөздермен толықтырылды - ҚРҰ-нің 1997.04.22. N 621 , Тақырыбы өзгерді - ҚРҰ-нің 2001.04.02. N 437 қаулыларымен.

Бағалы қағаздар нарығын кеңейту және республикалық бюджет тапшылығының инфляциядан тыс орнын толтыру үлесін нығайту мақсатында Қазақстан Республикасының Үкіметі қаулы етеді:

1. Қоса беріліп отырған Қазақстан Республикасының айналыс мерзімі үш, алты, тоғыз және он екі ай болатын мемлекеттік қысқа мерзімді қазынашылық міндеттемелерін МЕККАМ шығару және айналысқа қосу тәртібі туралы ережесі б е к і т і л с і н . < * >

ЕСКЕРТУ. 1-тармақ өзгерді - ҚРҰ-нің 2001.04.02. N 437 қаулысымен .

2. Қазақстан Республикасының Қаржы министрлігі қаржы агенті ретіндегі Қазақстан Республикасының Ұлттық Банкімен бірлесіп, тиісті жылға арналған республикалық бюджет туралы Қазақстан Республикасының Заңымен белгіленген үкіметтік борыш лимитінің шегінде айналыс мерзімі үш, алты, тоғыз және он екі ай болатын мемлекеттік қысқа мерзімді қазынашылық міндеттемелерін - МЕККАМ пайдалана отырып қарыз алуды жүзеге асыруды ұ й ы м д а с т ы р с ы н . < * >

ЕСКЕРТУ. 2-тармақ өзгерді - ҚРҰ-нің 2001.04.02. N 437 қаулысымен .

3. Мемлекеттік қысқа мерзімді қазынашылық міндеттемелерді МЕККАМ бастапқы орналастырудан алынған қаржы республикалық бюджетке түседі деп б е л г і л е н с і н . < * >

4. Мыналардың күші жойылған деп танылсын:

"Айналыс мерзімдері үш және алты ай болатын қысқа мерзімді қазынашылық міндеттемелердің шығарылымын орналастыру және оларға қызмет көрсету туралы" Қазақстан Республикасы Министрлер Кабинетінің 1995 жылғы 17 шілдедегі N 989 қаулысы /Қазақстан Республикасының ПҰАЖ-ы, 1995 ж., N 25, 2 8 7 - б а п / ;

"Қазақстан Республикасы Министрлер Кабинетінің 1995 жылғы 17 шілдедегі N 989 қаулысына өзгертулер енгізу туралы" Қазақстан Республикасы Үкіметінің 1996 жылғы 12 сәуірдегі N 435 қаулысы .

Қазақстан Республикасының

Премьер-Министрі

Қазақстан Республикасы

Үкіметінің

1996 жылғы 25 маусымдағы

N 786 қаулысымен

бекітілген

Қазақстан Республикасының айналыс мерзімі үш, алты, тоғыз және он екі ай болатын мемлекеттік қысқа мерзімді қазынашылық міндеттемелерін МЕККАМ шығару, айналысқа қосу және өтеу тәртібі туралы ережесі<*>

Ескерту. Атауы мен мәтіні сөздермен толықтырылды - ҚРҰ-нің 1997.04.22. N 621 қаулысымен .

ЕСКЕРТУ. Тақырыбы өзгерді - ҚРҰ-нің 2001.04.02. N 437 қаулысымен .

1. Осы Ереже мемлекеттік қысқа мерзімді қазынашылық міндеттемелерді МЕККАМ Қазақстан Республикасы аумағында шығару, айналысқа қосу және өтеу тәртібін айқындайды. "МЕККАМ" атауы қазақ тілінде "Мемлекеттік қысқа мерзімді қазынашылық міндеттеме" деп оқылады.

ЕСКЕРТУ. 1-тармақ сөйлеммен толықтырылды - ҚРҰ-нің 1997.04.22. N 621 қаулысымен .

2. Мемлекеттік қысқа мерзімді қазынашылық міндеттемелерді МЕККАМ Қазақстан Республикасы Үкіметінің атынан Қазақстан Республикасының Қаржы министрлігі шығарады, олар мемлекеттік бағалы қағаздар болып табылады және Қазақстан Республикасының қолданылып жүрген заңдарына сәйкес Қазақстан бағалы қағаздарының қайталама нарығында еркін айналыста болады.

3. Мемлекеттік қысқа мерзімді қазынашылық міндеттемелер МЕККАМ материалдық емес нысанда, үш, алты, тоғыз және он екі ай айналыс мерзімінен шығарылады және олар өз ұстаушыларының қаржы агентінің депозитарийіндегі немесе бастапқы дилердің қосымша депозитарийіндегі депо-шоттарына тиісті жазбалар енгізу жолымен орналастырылады және айналысқа қосылады.<*>

ЕСКЕРТУ. 3-тармақ өзгерді - ҚРҰ-нің 2001.04.02. N 437 қаулысымен .

4. "Қазақстан Республикасының Ұлттық Банкі туралы" Қазақстан Республикасы Президентінің 1995 жылғы 30 наурыздағы N 2155 Заң күші бар Жарлығына сәйкес Қазақстан Республикасының Ұлттық Банкі мемлекеттік қысқа

мерзімді қазынашылық міндеттемелерді МЕККАМ орналастыру, айналысқа қосу мен өтеуге депозитарлық қызмет көрсетуді жүзеге асыратын қаржы агенті болып табылады. Эмитент пен қаржы агентінің арасындағы өзара қарым-қатынас осы Ережемен, Қазақстан Республикасы Қаржы министрлігі мен Ұлттық Банкінің нормативтік құжаттарымен, Қазақстан Республикасының Қаржы министрлігімен Ұлттық банк арасында жасалатын мемлекеттік қысқа мерзімді қазынашылық міндеттемелерді МЕККАМ орналастыру және олардың айналысқа қосылуына қызмет көрсету туралы келісіммен және Қазақстан Республикасының қолданылып жүрген заңдарымен реттеледі.

5. Мемлекеттік қысқа мерзімді қазынашылық міндеттемелер МЕККАМ оларды ұстаушылардың арасында сатып алушылар аукциондық негізде айқындайтын дисконтты /жеңілдетілген/ баға бойынша орналастырылады, ал тиісті айналыста болу мерзімі аяқталған соң Қазақстан Республикасының Қаржы министрлігі нақтылы бағасы бойынша сатып алады. Мемлекеттік қысқа мерзімді қазынашылық міндеттемелердің МЕККАМ нақтылы бағасы 100 теңге.

Тиісті кезеңге сыйақы сомасын есептеу үшін мемлекеттік қысқа мерзімді қазынашылық міндеттемелер - МЕККАМ айналысының есептік кезеңдегі күнтізбелік күндердің саны және жылдағы 365 күн қолданылады. <*>

ЕСКЕРТУ. 5-тармақ толықтырылды - ҚРҰ-нің 2001.04.02. N 437

қ а у л ы с ы м е н

6. Қазақстан Республикасының резиденттері мен резидент еместері болып табылатын заңды және жеке тұлғалар мемлекеттік қысқа мерзімді қазынашылық міндеттемелердің МЕККАМ ұстаушылары бола алады. Бұл ретте мемлекеттік қысқа мерзімді қазынашылық міндеттемелердің МЕККАМ аукциондарына тек Қазақстан Республикасының Қаржы министрлігі Ұлттық Банкпен бірлесіп белгілеген бастапқы дилерлер ғана қатысады. Бағалы қағаздар нарығының басқа қатысушылары /инвесторлар/ аукциондарға тек бастапқы дилерлер арқылы ғана қ а т ы с а д ы .

7. Мемлекеттік қысқа мерзімді қазынашылық міндеттемелердің МЕККАМ әрбір эмиссиясының көлемін Қазақстан Республикасының Қаржы министрлігі тиісті жылға арналған республикалық бюджет туралы Қазақстан Республикасының Заңымен бекітілген үкіметтік борыш лимитіне және оған қызмет көрсетуге арналған шығыстарға қарай белгілейді. Жекелеген бастапқы дилердің немесе инвестордың мемлекеттік қысқа мерзімді қазынашылық міндеттемелерді МЕККАМ бір аукционда сатып алуының шекті көлемін, бәсекеге түсе алмайтын тапсырыстардың қанағаттандыру процентін Қазақстан Республикасының Қаржы министрлігі мемлекеттік бағалы қағаздар нарығындағы жағдайға қарай әр аукцион үшін жеке-жеке айқындайды. Резидент еместердің аукциондарға қатысу үлесін Қазақстан Республикасының Ұлттық Банкі

а й қ ы н д а й д ы . < * >

ЕСКЕРТУ. 7-тармақтан сөздер алынып тасталды және толықтырылды -
ҚРҰ-нің 1997.04.22. N 621 қаулысымен.

ЕСКЕРТУ. 7-тармақ өзгерді - ҚРҰ-нің 2001.04.02. N 437 қаулысымен .

8. Қазақстан Республикасының Қаржы министрлігі аукциондарды өткізу күні мен шартын кезекті аукцион өткізілетін уақытқа кем дегенде жеті күнтізбелік күн қалғанда анықтап, оны Қазақстан Республикасының Ұлттық банкіне хабарлайды, ол өз кезегінде еркін нысанда құрастырылған жазбаша хабарламалар жіберу арқылы дәл осындай мерзімде бастапқы дилерлерді хабардар етеді, сонымен бір мезгілде ақпаратты мерзімді баспасөзде жариялайды , Аукциондарды өткізу тәртібі Қазақстан Республикасының Ұлттық Банкі бекітетін нормативтік актілермен реттеледі.

9. Мемлекеттік қысқа мерзімді қазынашылық міндеттемелерді МЕККАМ орналастыру жөніндегі аукциондарды осы Ереженің 7-тармағына сәйкес айқындалатын көлемге, сондай-ақ мемлекеттік бағалы қағаздар нарығындағы жағдайға қарай Қазақстан Республикасының Қаржы министрлігі бекітетін мерзімділікпен Қазақстан Республикасының Ұлттық Банкі өткізеді.

10. Өткізілетін аукционның бағалы шарттары және оған қатысушылардың тапсырыстарын қанағаттандыру көлемі жөніндегі шешімді осы Ереженің 7-тармағы бойынша айқындалатын шарттарға сәйкес Қазақстан Республикасының Қаржы министрлігі қабылдайды.

11. Мемлекеттік қысқа мерзімді қазынашылық міндеттемелердің МЕККАМ иелері оларды кепілге беруге, РЕПО операцияларын өткізуге, қайталама нарықта сатып алу мен сатуға құқылы. Бұл ретте инвестор сатып алу-сату, кепілге беру және РЕПО операциялары жөніндегі барлық операцияларды бастапқы дилер арқылы ресімдейді. Кепілге беру туралы шарт Қазақстан Республикасының Ұлттық Банкінің депозитарийінде тіркеледі.

12. Мемлекеттік қысқа мерзімді қазынашылық міндеттемелердің МЕККАМ есепке алынуы, қозғалысы мен сақталуы - Қазақстан Республикасының Ұлттық Банкі депозитарийіндегі депо-шоттар бойынша және тікелей өз инвесторларының иелігіндегі мемлекеттік қысқа мерзімді қазынашылық міндеттемелер МЕККАМ бойынша бастапқы дилерлердің қосымша депозитарийінде жүзеге асырылады.

13. Қазақстан Республикасының Қаржы министрлігі үш айлық, алты айлық, тоғыз айлық және он екі айлық мемлекеттік қысқа мерзімді қазынашылық міндеттемелерді МЕККАМ оларды бастапқы орналастырудан республикалық бюджетке қаржы түскен мерзімнен бастап тиісінше тоқсан бірінші, жүз сексен екінші, екі жүз жетпіс үшінші және үш жүз алпыс бесінші күнтізбелік күні нақтылы құны бойынша өтейді.< * >

ЕСКЕРТУ. 13-тармақ өзгерді - ҚРҰ-нің 2001.04.02. N 437 қаулысымен .

14. Қазақстан Республикасының Қаржы министрлігі Қазақстан Республикасының Ұлттық Банкімен келісілген және оларды орналастырудың дисконтталған бағасы мен мемлекеттік қысқа мерзімді қазынашылық міндеттемелердің - МЕККАМ айналыста болған нақты уақыт үшін есептелген сыйақыны ескере отырып есептеп шығарылған дисконтталған баға бойынша мемлекеттік қысқа мерзімді қазынашылық міндеттемелерді - МЕККАМ мерзімінен бұрын өтеуді жүзеге асыруға құқылы. Қазақстан Республикасы Қаржы министрлігінің мерзімінен бұрын өтеу туралы шешімі мұндай өтеу күніне дейін 10 күнтізбелік күнде, өз кезегінде 5 күнтізбелік күннен кешіктірмей ол туралы бастапқы дилерлерге хабарлайтын, Қазақстан Республикасының Ұлттық Банкіне жеткізіледі. Егер мемлекеттік қысқа мерзімді қазынашылық міндеттемелердің - МЕККАМ бастапқы құнын мерзімінен бұрын өтеу күні немесе өтеу күні жұмыс істемейтін күнге келсе, онда, егер Қазақстан Республикасының Қаржы министрлігі өзгеше көздемесе, өтеу жұмыс істемейтін күннен кейінгі бірінші жұмыс күні жүргізіледі. <*>

ЕСКЕРТУ. Жаңа 14-тармақпен толықтырылды - ҚР Үкіметінің 1999.05.24. N 626 қаулысымен .

ЕСКЕРТУ. 14-тармақ өзгерді - ҚРҰ-нің 2001.04.02. N 437 қаулысымен .

ЕСКЕРТУ. 14-тармақ өзгерді - ҚР Үкіметінің 2001.10.28. N 1369 қаулысымен .

15. Мемлекеттік қысқа мерзімді қазынашылық міндеттемелермен жасалатын операциялар бойынша салық салудың тәртібі Қазақстан Республикасының заңнамасына сәйкес анықталады.<*>

ЕСКЕРТУ. 15-тармақпен толықтырылды - ҚРҰ-нің 2001.04.02. N 437 қаулысымен .